

苟差齋任之說殊甚無謂齋任不必一向引入諸生捲堂亦涉太過使之更為勸諭翌朝諸生遂入堂是後著德稱以情勢難安終不入來出代釋奠祭日已近故成均館以不可不別操變通之意啓稟上以為終始引嫌實涉未安使即入來○庚午大風南山大槐二株拔倒闕中松木顛仆摧折○七次祈雨于龍山江楮子島○慶尚道安東等地方大風○辛未以朴權為大司憲趙道彬為大司諫尹趾仁為大司成閔鎮遠為平安道觀察使尹世綏為黃海道觀察使李大成為吏曹參議金榦俞崇為掌令李真望為持平洪禹瑞為獻納南道揆為正言李澤為校理宋成明為副修撰○因禮曹啓辭獻陵曲墻外大木並摧傷命行慰安祭又以成均館聖殿東西廡所蓋瓦夫防草及殿內蓋瓦飄落閣門鎖折破前庭銀杏枝摧傷香三門破落命行慰安祭○黃海道松禾等十邑大風○壬寅流星出王良星上入艮方○以洪禹寧為承旨郭萬績為司書李必重為說書洪致中為副校理洪廷弼為修撰尹陽來為持平○開城府江華府江原道諸邑大風○癸酉謝恩使臨昌君煥副使權尚游書狀官韓重熙如清國○以李健命為判尹李澤為獻納朴弼夢為正言權詹為副應教洪禹瑞為副校理○甲戌巽方有氣如火光○以魚有龜為校理○全羅京畿道各邑